

ЭРТАГА ПОЙТАХТИМИЗДА ЎЗБЕКИСТОН «АДОЛАТ» СОЦИАЛ-ДЕМОКРАТИК ПАРТИЯСИНING IX ҚУРУЛТОЙИ БЎЛИБ ЎТАДИ

Inson manfaatlari — oliy qadriyat



IJTIMOIIY-SIYOSIIY GAZETA info@adolatgz.uz www.adolatgz.uz www.adolat.uz № 44 (1265) 2019-yil 1-noyabr, juma

ЎЗБЕКИСТОН РЕСПУБЛИКАСИ ПРЕЗИДЕНТИ РОССИЯ ФЕДЕРАЦИЯСИ ХАВФСИЗЛИК КЕНГАШИ КОТИБИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 31 октябрь куни мамлакатимизда амалий ташир билан бўлиб турган Россия Федерацияси Хавфсизлик кенгаши котиби Николай Патрушевни қабул қилди.

Президентимиз меҳмонни самимий қутлар экан, икки давлат раҳбарларининг мунтазам ва самарали мулоқоти туфайли сўнгги йилларда Ўзбекистон билан Россия ўртасидаги стратегик шериклик ва иттифоқчилик муносабатлари жадал ривожланиб бораётганини катта мамнуният билан қайд этди.

Николай Патрушев, ўз навбатида, Ўзбекистон Республикаси Президенти Шавкат Мирзиёевга самимий қабул учун сизидилдан миннатдорлик билдириб, Россия Федерацияси Президенти Владимир Путиннинг саломи ва эзгу тилаklarини етказди.

Учрашувда мамлакатларимиз ўртасидаги кўп қиррали ҳамкорликка оид, шунингдек, халқаро ва минтақавий сиёсатнинг долзарб жиҳатлари, жумладан, Афғонистондаги вазиятни тинч йўл билан ҳал этиш истиқболлари муҳокама қилинди.

Хавфсизликка таҳдид солаётган замонавий хатарларга қарши курашиш бўйича ҳамкорлик қилиш, ҳарбий ва ҳарбий-техник соҳаларда амалий шерикликни кенгайтириш масалаларига алоҳида эътибор қаратилди.

ЎЗА

МАКРОИҚТИСОДИЙ КЎРСАТКИЧЛАР, СОЛИҚ-БЮДЖЕТ СИЁСАТИ ВА 2020 ЙИЛГА МЎЛЖАЛЛАНГАН ПАРАМЕТРЛАР КЎРИБ ЧИКИЛДИ

Ўзбекистон Республикаси Президенти Шавкат Мирзиёев 31 октябрь куни макроиқтисодий кўрсаткичлар, солиқ-бюджет сиёсати, давлат бюджетининг жорий йилда қўйлаётган ижроси ва 2020 йилга мўлжалланган параметрлар муҳокамасига бағишланган йиғилиш ўтказди.

Эслатиш жоиз, 2018 йил 22 август куни Президентимиз Шавкат Мирзиёев "Бюджет маълумотларининг очиқлигини ва бюджет жараянида фуқароларнинг фаол иштирокини таъминлаш чора-тадбирлари тўғрисида"ги қарорга имзо чеқди.

Мазкур қарорга мувофиқ, бюджет маълумотларининг очиқлигини янада ошириш мақсадида бюджет маблағларининг шаклланиши ва сарфланиши устидан парламент ва жамоатчилик назоратини ўрнатишнинг янги тартиби белгиланган. Ушбу тизимга кўра, 2020 йилдан бошлаб давлат бюджети қонун шаклида қабул қилинади ва халқ вакиллари томонидан назоратга олинади. Парламентга тақдим этиладиган Бюджет тўғрисидаги қонун лойиҳасида ва Бюджетномада аҳоли ва ташқи ҳамкорларимизга мамлакат бюджетининг ҳолати очиқ-ойдин, халқаро стандартларга мувофиқ тарзда кўрсатилади.

Республика бюджети борасидаги норматив ҳужжатлар Олий Мажлис томонидан, маҳаллий бюджетлар эса жойлардаги маҳаллий кенгашлар томонидан қабул қилинади. Колаверса, харажатлар соҳалар бўйича эмас, вазирилик ва идоралар кесимида тасдиқланади. Идоралар мустақиллигини ошириш билан бирга, уларнинг харажатлар самараси учун масъулиятни ҳам кучайтирилмоқда.

Жорий этилаётган янги тизимнинг яна бир ўзига хос жиҳати — марказлашган бюджет сиёсатидан босқичма-босқич воз кечиш. Маса-

лан, маҳаллий бюджетлар даромадини мустаҳкамлаш мақсадида автоматотранспорт воситаларини рўйхатдан ўтказиш йиғимлари маҳаллий бюджетга ўтказилмоқда. Алкоголь маҳсулотлари ва мобиль алоқа хизматини кўрсатиш учун акциз солиғи тушумлари аҳоли сонидан келиб чиқиб ҳудудлар ўртасида қайта тақсимланади. Қўшимча қиймат солиғи ва юридик шахслардан олинган фойда солиғи бўйича прогноздан орттириб бажарилган қисми тўлиқ ҳудудларда қолдирилади.

2020 йилдан бошлаб маҳаллий бюджетларнинг қўшимча даромадлари кенгашлар томонидан маъқулланган йўналишларга ажратилади. Фақат кечиктириб бўлмайдиган харажатларгина ҳокимликлар томонидан тасдиқланиши ва кейинчалик уларнинг тўғри сарфлангани ҳақида кенгашлар олдида ҳисобот берилиши лозим.

Йиғилишда мамлакатимиз иқтисодийнинг асосий макроиқтисодий кўрсаткичлари, келаси йилга мўлжалланаётган прогноз параметрлари, иқтисодийта таъсир этиши мумкин бўлган ички ва ташқи омиллар чуқур таҳлил қилинди.

Халқаро экспертлар, хусусан, Халқаро валюта жамғармаси жорий йилда жаҳон ялли маҳсулоти ўсиши дастлабки прогнозга нисбатан 1 фоизгача камайиб, 3 фоиз бўлишини тахмин қилган. Мамлакатимизнинг асосий савдо ҳамкорлари бўлган давлатларда ҳам иқтисодий суратлар суллашган.

2

ФРАКЦИЯ ЙИГИЛИШИ



"Адолат" СДП Ҳукумат ҳисоботини танқидий кўриб чиқди

Юртимизда олиб борилаётган ислохотларнинг асосий мақсади халқ фаровонлигини таъминлашга қаратилгандир. Ушбу мақсадга эришиш учун, аввало, давлат томонидан белгиланган дастур ва режаларнинг ўз вақтида ижросини таъминлаш муҳим ҳисобланади. Жорий йилдан амалиётга киритилган

янги институт — Ҳукумат аъзоларининг Давлат дастурида белгиланган вазифаларнинг ижросига қаратилган ҳисоботларни Олий Мажлисга тизимли равишда тақдим этиб бориши мамлакат стратегик режаларининг ўз вақтида таъминланишига хизмат қилиши билан аҳамиятлидир.

2

Депутат кўтарган муаммо Бош вазир назоратига олинди

Олий Мажлис Қонунчилик палатасидаги Ўзбекистон "Адолат" СДП фракциясининг навбатдаги йиғилиши бўлиб ўтди. Депутатлар, партия экспертлари ва фаоллари қатнашган мазкур тадбирда жамият учун муҳим аҳамият касб этган масалалар, хавфсизлик, қишлоқ хўжалиги, метрология ва бошқа соҳаларга оид бир қатор қонун лойиҳалари кўриб чиқилди.

Йиғилишда дастлаб "Фаол инвестициялар ва ижтимоий ривожланиш йили"да амалга оширишга оид Давлат дастурида белгиланган транспорт соҳасида давлат бошқарувини такомиллаштириш, автомобиль транспорти ҳамда метрополитен соҳасини давлат томонидан бошқариш бўйича ягона давлат тариф сиёсатини амал-

га ошириш, жамоат транспорти воситаларидан фойдаланишда аҳолига қулайликлар яратиш масалалари муҳокама этилди.

Таъкидланганидек, Давлат дастурида транспорт соҳасидаги давлат, хўжалик бошқаруви органлари мансабдор шахсларига юклатилган масъулиятли вазифаларнинг ижроси таҳлилларига бағишлаб Олий

Мажлис Қонунчилик палатасидаги Ўзбекистон "Адолат" социал-демократик партияси фракцияси аъзоси, қўйи палатанинг sanoat, қурилиш ва савдо масалалари қўмитаси аъзоси Ёрмамат Холияров муаллифлигида "Тошкент метрополитени жетонлардан қачон воз кечади?" сарлавҳали мақола эълон қилинган эди.

2

МАТБУОТ АНЖУМАНИ



Янги матбуот марказида илк тадбир

Жорий йилнинг 30 октябрь куни Ўзбекистон "Адолат" социал-демократик партияси Сиёсий Кенгаши оммавий ахборот воситалари ходимлари, блогерлар учун матбуот анжумани ўтказди.

Тадбир аввалида партиянинг оммавий ахборот воситалари билан ишлаш тизимини янги босқичга кўтариш, очиқлик, ошқоралик ва шаф-

фоликни таъминлаш мақсадида партия Сиёсий Кенгаши Марказий аппарати қошида фаолият бошлаган Матбуот марказининг очилиш маросими

ўтказилди. Журналистлар марказ билан бевосита танишиб, мақсад ва вазифаларидан бохабар бўлишди.

6

ДОЛЗАРБ МАВЗУ

Трансплантация ўтказилган беморлар муаммосига ДЕПУТАТ АРАЛАШДИ



— Қизимга тўрт йил олдин отасининг буйрағи кўчириб ўтказилди. Операцияни Ҳиндистонда қилдирдик ва шифокорлар доимий ичиб юришга дорилар буюрди. "Панграф" дориси давлат томонидан берилар, "Майфотик"ни ўзимиз сотиб олардик. Бу дорилар дорихоналарда йўқ, интернет орқали Ҳиндистондан буюртма бериб, қиммат нархда сотиб оламиз. Шу йил августдан бери Соғлиқни сақлаш вазирлиги томонидан бепул тарқатиладиган "Панграф" ўрнига "Ролиграф" бериладиган бўлди. Лекин мен ундан қизимга ичирмадим. Чунки уни қабул қилгач, аҳволи оғирлашиб қолган беморлар ҳақида эшитиб, бундан қўрқдим.

3

МЕН ҚУРУЛТОЙДАН НИМАЛАР КУТАЯПМАН?

Эртага пойтахтимизда Ўзбекистон "Адолат" социал-демократик партиясининг IX Қурултойи бўлиб ўтади. Мазкур сиёсий анжуманда ҳар бир делегат катта орзу-мақсадларни кўзлаб, ўз сўзини айтиш, партия фаолиятида янги саҳифалар очилишига ҳисса қўшиш истағи билан фаол иштирок этиши шубҳасиз.

Шу маънода қуйида бир гуруҳ фаолларимизнинг партия Қурултойидан нималар кутаётганлиги ҳақидаги фикр-мулоҳазалари билан танишасиз.

4-5

